

Građani BiH položi ili ispit ljudskosti

18/05/2014 22:17 by Administrator

BANJALUKA, SARAJEVO - Politički, pravni i privredni subjekti u cijeloj BiH tokom vikenda sakupili su desetine tona hrane, vode, lijekovi, higijenskih paketa i lijekova, a sve se distribuije u krajeve koji su ugroženi poplavama i klizanjima. Veliki broj banjalučkih volontera, raspoređenih na više punktova, jučer je spremao pakete hrane, odjeće i higijene za najugroženija područja RS.

Duško Rašić, generalni direktor Kliničnog centra Banjaluka, sa kojeg helidroma svakodnevno prevoze lijekove ka najugroženijim krajevima, naveo je da je ta zdravstvena ustanova spremna te da su prekidajući, uprkos teškoj situaciji i povećanom boju pacijenata, uspješno izvršili i jednu komplikovaniju operaciju transplantacije bubrega. "Svskog trenutka krećemo sa utovarom dvije tone infuzije koja će helikopterom biti prebačena za bolnicu u Bijeljini. Do sada smo zbrinuli više od 90 pacijenata i imamo još gotovo 200 mjesta ako bude potrebe. Pojačali smo punktove na Hirurgiji i maksimalno smo spremili Kliniku za infektivne bolesti da, kada se voda povuče i dođu topliji dani, budemo spremni za eventualnu pojavu infekcija", istakao je Rašić.

Milenko Ivanković, pukovnik Oružanih snaga BiH, jedan od pilota MI 8 transportnog helikoptera, kaže da svakodnevno rade od samog početka krize. "Najviše smo prevozili lijekove i bolesnike, a letio sam do sada u amac, Bijeljinu i Beograd", kaže on. U Domu omladine stotine volontera je vrijedno radilo na pakovanju i utovaru kamiona pomoći koji su trebalo da krenu u jedan od najugroženijih gradova u RS, Doboj. "Poslali smo pomoć u banjalučku prigradska naselja, kao i u Doboj, amac i Bijeljinu. Radimo već dva dana, čak smo dio ljudi vratili zbog prevelikog odziva", istakao je Slobodan Kesić, koordinator za humanitarne aktivnosti pri Omladinskom savjetu RS, koji je upravljao akcijom. On dodaje da im, uprkos velikom odzivu volontera, za rad na terenu manjka opreme, izama, lopata i kabanica. Poljica Ilić, sekretar gradske organizacije Crvenog krsta, kaže kako su prvi talas pomoći u hrani podmirili te da su sada prioritet sredstva za higijenu. "Apelujem na sve građane koji misle da donesu pomoć, da se sada najviše baziraju na sredstva za higijenu i dezinfekciju. Trenutno pokrivamo okolinu Banjaluke, ali se nadamo da ćemo kada podmirimo ovo područje krenuti slati pakete za druge gradove", dodaje Ilićeva. Marinko Umićević, direktor Tvornice obuće "Bema" i odbornik u Skupštini grada Banjaluka, rekao je da su na poziv Milorada Dodika, predsjednika RS, Poljke Cvijanović, predsjednice Vlade RS, i Slobodana Gavranovića, gradonačelnika Banjaluke, odlučili da pomognu najugroženijima. "Po 1.000 obroka dnevno smo napravili za Crveni krst, koji je hranu dijelio na punktovima u kasarni Kozara, a dali smo sto pari obuće u vrijednosti 40.000 KM. Vidjećemo da se odrekemo jedne dnevnice, pošto imam puno radnika u A' esmi, Drago A'aju i A' elincu", kazao je on.

Kompanija "Hemofarm" Banjaluka uputila je u ugrožena područja RS donacije u lijekovima i hrani. "Paketi sa lijekovima, koje ova kompanija putem banjalučkog Kliničnog centra od subote distribuije u ugrožena područja, sadrže antibiotike i ostale lijekove koje su označeni kao neophodni, dok paketi sa hranom sadrže hranu za bebe, pelene, suvu hranu, higijenska sredstva, vodu i ostale namirnice, koje su u Kriznom štabu Vlade RS naveli kao potrebne", naveli su iz ove kompanije. Studenti i profesori Banjaluka College odvezli su pomoć najugroženijima u Doboju. Veliki broj mladih ljudi odazvao se i pozivu Volonterskog servisa RS da se prijave u Gradsku upravu, kako bi pomogli ugroženima. Kolona od 11 autobusa sa 550 studenata krenula je jučer ujutro iz Sarajeva prema Maglaju, Olovu, Zavidovićima i Doboju, kako bi studenti tokom dana pomogli građanima na ovim područjima zahvaćenim poplavama. Organizirana je i akcija prikupljanja pomoći i potreština za ljude pogođene ovom nesrećom. Pomoć je upućena kamionima. U Sarajevu je u petak počelo prikupljanje hrane, odjeće, baterija, svijeća, obuća, pelena, higijene i vode i to u

prostorijama Centra za promociju civilnog društva, koje se nalaze kod Malezijskog mosta. Donacije će biti primane do 22. maja, osim u nedjelju, od 9 do 15 sati. Iz trgovačkog lanca "Mercator" su saopćili da će korpore za prikupljanje pomoći biti postavljene i u trgovinama "Mercatora" i "DP Marketa" do utorka. Zbog velikog interesovanja građana da pomognu stradalim u poplavama, Vlada FBiH otvorila je donatorske račune za ovu namjenu. Crveni križ FBiH je organizovao i humanitarnu akciju prikupljanja novčane pomoći. Općina Novi grad Sarajevo organizirala je prikupljanje pomoći građanima stradalim u poplavama koje su zahvatile BiH. Za građane koji žele pomoći ugroženom stanovništvu, prostorije svih mjesnih zajednica na području Novog grada bit će otvorene danas od 12 do 19 sati. Na prikupljanju pomoći angažovali su se i Hercegovci, a ponajviše obični građani Trebinja, koji, prema riječi Brana Dursuna, sekretara Gradske organizacije Crvenog krsta, svakog dana donose po nešto, koliko ko može. Međutim trebinjskim privrednicima u doniranju pomoći prednjači Bratislav Piduša, vlasnik preduzeća "Herc gradnja" i "Market 99", koji je otpremio oko 25 tona hrane, flaširane vode i higijenskih paketa, te vlasnik Prehrambene industrije "Swisslion" Rodoljub Drašković, koji je donirao pomoć u vrijednosti od 100.000 maraka i to dječjih kašika, sokova, gotovih jela i konzervi koje proizvodi njegov koncern. Pomoć iz Hercegovine upućuju i političke partije, SNSD, SDS, PDP... Narodni poslanik Radovan Vuković iz Bileće kaže da je iz ove općtine već upućeno 20.000 maraka, poslat je i jedan kamion sa hranom u vrijednosti 10.000 maraka, te tri cisterne sa 30.000 litara pitke vode koje će i ostati na korištenju u postadalim krajevima koliko god to bude potrebno. Milinko Milidrag, predsjednik OO SNSD Gacko, koji je i direktor RiTe Gacko, kaže da je ovo preduzeće odmah obezbijedilo i poslalo dvije tone hrane, a sva njihova mehanizacija je stavljena na raspolaganje stradalim krajevima Srpske. Gradonačelnik Trebinja Slavko Vučurević je potvrdio da je u nedjelju ujutro već stigla prva pomoć od pet tona hrane koja je upućena u Bijeljinu i koja je, kako mu je potvrdio tamošnji gradonačelnik Mićić, stigla u pravi čas. Pomoć sakuplja i Eparhija zahumsko-hercegovačka i primorska. Smještajne kapacitete je ponudio i Dom penzionera Trebinje. Otvorena linija Sa ciljem što bolje organizacije i koordinacije prikupljanja pomoći te svih ostalih humanitarnih aktivnosti, Vlada FBiH izdala je juče obavještenje za javnost da su od nedjelje i u Ministarstvu obrazovanja i nauke Federacije BiH otvorene telefonske linije za sve građane i pravna lica koja prikupljaju pomoć za nastradale u Federaciji BiH. Dežurni broj telefona u Sarajevu je 033 276 383, a u Mostaru 036 355 726. Linije su otvorene u terminu od sedam do 21 sat. Dežurni telefon od 21 do sedam je 062 575 656. Humanitarni brojevi Građani mogu donirati i dvije KM pozivom na humanitarne brojeva 090/291-032 ("BH Telecom"), te 092/890-830 (HT Mostar). Jedna marka može biti donirana i preko "M:telovog" humanitarnog broja 1458, gdje je za 24 časa zabilježeno 105.201 poziv.

Izvor vijesti: Nezavisne